

景元刻本濟生拔粹

雲岐子保命集論類要卷上

辨脉三部九候

凡持脉須明三部九候不知者未足言診脉之道三部者寸爲上部主鬲上至頭之有疾關爲中部主鬲下至臍之有疾尺爲下部主臍下至足之有疾故爲三部也九候者浮診二指之下浮診二候者二而成天中診二候者二而成人沉診三候者二而成地二而二之故爲九候此四十五動平脉法也如三指之下浮診得六數七極者熱實於表當瀉表宜黃湯如浮診得二遲二敗者爲表虛也當補其虛宜桂枝湯如中診得六數七極者是中焦之熱實宜調胃承氣湯瀉之中診得二遲二敗者中焦虛也當補之以建中湯理中湯如沉診得六數七極者下焦熱實以大承氣湯瀉之

沉詎得三遲二敗者下焦之虛也以姜附湯補之

麻黃為瀉能瀉表之實不能瀉裏之實桂枝湯為補而能補表之虛不能補裏之虛姜附為補不能補表之虛而能補裏之虛承氣為瀉能瀉裏之實不能瀉表之實建中之補能補中焦之虛而不能補上焦下焦之虛調胃為瀉能瀉中焦之實而不能瀉上焦下焦之實也

辨傷寒溫病

問曰傷寒溫病何以脉辨荅曰溫病冬傷於寒所得也至是變為溫病傷寒汗下不愈而過經其證尚在而不除者亦溫病也經曰溫病之脉行在諸經不知何經之動隨其經所在而取之

如太陽證汗下後過經不愈詎得尺寸俱浮者太陽溫病也

如身熱目疼汗下後過經不愈訖得尺寸俱長者陽明溫病也
如脅脇痛汗下後過經不愈訖得尺寸俱弦少陽溫病也
如腹滿噎乾訖得尺寸俱沉細過經不愈太陰溫病也
如口燥舌乾而渴訖得尺寸俱沉過經不愈少陰溫病也
如煩滿囊縮訖得尺寸俱微緩過經不愈厥陰溫病也
是故隨其經而取之隨其證而治之如發斑乃溫毒也

刺傷寒結胃痞氣

傷寒下後結胃痞氣皆是三陰之終手三陰之始胃中結痞過
在足少陰腎手厥陰包絡刺兩經之井原以瀉胃中之氣心
中結痞過在足太陰脾手少陰心刺兩經之井原以瀉心中
之氣

胃中結痞過在足厥陰肝手太陰肺刺兩經之井原以瀉胃

中之氣 或上中下三脫應痞結而瀉之

刺傷寒三陽頭痛

傷寒三陽頭痛何法刺之荅曰手之三陽足之三陽皆會於頭者謂諸陽之會其受邪伏留而不去故曰三陽頭痛視其色脉知在何經

如脉浮而頭痛過在足太陽刺腕骨京骨

如脉浮而長過在手陽明刺合骨衝陽

如脉浮而弦過在手足少陽刺陽池丘墟風府風池刺頭痛之法也

刺三陰腹痛

傷寒邪在三陰內不得交通故爲腹痛手足之經皆會於腹如脉弦而腹痛過在足厥陰肝手太陰肺刺太衝太淵太陵

如脉沉而腹痛過在足少陰腎手厥陰心包刺太谿太陵
如脉沉細而腹痛過在足太陰脾手少陰心刺太白神門三
陰交刺腹痛之法也

桂枝湯二十八證方一十四道

桂枝湯

桂枝加葛根湯

桂枝加厚朴杏子湯

桂枝加附子湯

桂麻各半湯

桂枝去芍藥加附子湯

桂枝二麻黃一湯

桂枝去桂加茯苓白朮湯

桂枝二越婢一湯

桂枝甘草湯

桂枝加桂湯

桂枝加人參湯

桂枝去桂加白朮湯

桂枝加大黃湯

桂枝湯論

尺寸俱浮太陽受病當一二日發以其脉上連風府頭項痛腰脊強太陽經始於目內眥從頭下至足終於至陰爲表之表其太陽者標熱本寒爲太陽之表表陽則熱本者膀胱之裏主水故寒脉浮爲在表故太陽經病身熱惡寒頭痛項強腰痛凡治太陽不可利小便不可妄下利小便者熱傳於裏而爲血證下之則變爲結曾此太經病所禁也若傳於本者可利小便本爲膀胱有熱小便赤澀何禁也太陽中風風傷衛衛氣虛而脉浮身熱自汗惡風宜桂枝湯補之表虛故也桂枝辛熱生姜辛溫甘草甘平大棗甘溫芍藥酸苦微寒而收實其衛氣而止汗辛甘發散風邪爲陽矣

桂枝湯

桂枝

芍藥

生姜

各參兩

甘草

貳兩

大棗

拾貳枚擘

如劉如麻豆大每服五錢水二盞煎至八分去滓溫服

太陽中風陽浮者寸浮也陰弱者尺弱也表虛自汗鼻鳴者肺通於鼻鼻和則聞香臭矣肺氣受邪而不通肺主衛風傷衛故鼻鳴乾嘔汗出惡寒太陽標病當補其衛汗不得外泄故使榮氣內守宜桂枝湯

太陽脉浮而弱不及平脉頭痛項強發熱汗出惡風者太陽標病故宜桂枝湯

太陽標病脉浮而長項背強者太陽也凡發熱不惡寒者陽明標病與太陽相併均宜桂枝加葛根湯

桂枝加葛根湯

桂枝

芍藥

甘草

各四兩分

葛根

壹兩貳分

生姜

壹兩

大棗

肆枚

右剉如麻豆大每服五錢煎服

太陽標中風身熱頭痛項強惡風反下後脉浮而弱自汗而喘
肺主於氣上逆而喘因下動胃氣加厚朴屬陽明上氣而逆
屬肺加杏仁故宜桂枝加厚朴杏子湯

桂枝

芍藥

生姜

各壹兩

甘草

陸分

大棗

肆枚

厚朴

杏子

各加伍分

右剉如麻豆大每服五錢水二盞煎服

太陽標本病頭痛項強惡風身寒自汗脉浮而微發汗遂漏不止
小便難而清四肢急難以屈伸者太陽標與少陰本相併
故宜桂枝加附子湯

桂枝

生姜

各壹兩

大棗

參枚

芍藥

甘草

各壹兩

附子

半枚

右剉如麻豆大水煎服

太陽標本病頭痛惡寒下之後胃滿脉促太陽標太陰本相併

桂枝加芍藥湯脉微而遲太陽與少陰相併故加附子

桂枝加芍藥湯

桂枝

生薑

各壹兩半

芍藥

參兩半

大棗

陸枝

痛甚者加大黃

大實痛裏傳表

右咬咀每服五錢水煎服

桂枝去芍藥加附子湯

桂枝

甘草

生薑

各壹兩半

大棗

陸枝

附子

去皮臍米泔浸

右咬咀每服五錢水煎服

太陽標病脉浮而大頭痛項強八九日如瘧狀熱多寒少不嘔者無少陽清便自調者裏和也寒熱榮衛俱病故宜

桂枝麻黃各半湯

桂枝

剗錢壹字

芍藥

生薑

甘草

各半兩

大棗

貳枚

麻黃

半兩去節

右咬咀每服五錢水煎服

太陽標病頭痛項強身熱惡寒脉浮而洪過於平脉而自汗不止衛氣不與榮氣諧和刺風池風府整太陽之綱却與桂枝汗又不止形似瘡一日再發非桂枝證也脉洪大者故獨桂枝不愈可與桂枝二麻黃一湯和其榮衛

桂枝二麻黃一湯

桂枝捌錢半

芍藥伍分半

麻黃叁錢去節

大棗

貳枚

生姜

伍錢半

杏仁

捌枚浸去皮尖

右剉如麻豆大每服五錢水煎服

太陽病頭痛項強熱多寒少脉微而弱陰脉也熱多寒少有陽

明太陽與陽明標併宜**桂枝越婢湯**

桂枝

芍藥

甘草

麻黃

各叁錢叁字

生姜

伍錢半

石膏

半兩

大棗

貳枚

右咬咀每服五錢水煎服

桂枝證或下之頭項強痛發熱無汗心下滿疼小便不利熱不

除宜桂枝去桂加茯苓白朮湯

芍藥

壹兩半

大棗

陸枚

甘草

生姜

茯苓

白朮

各壹兩

右咬咀每服伍錢水煎服小便利止後服

太陽標病身熱頭痛項強寸浮尺弱寸浮汗自出尺弱熱自發
陰虛則發熱陽浮則惡寒翕翕發熱為肌熱鼻鳴乾嘔者裏
和表有病桂枝湯主之

太陽病如瘧頭痛項強發熱惡寒熱多寒少一日二三度發脉
浮微緩者欲愈也脉微而惡寒者此陰陽俱虛不可發汗更
下更吐也

如汗下後面反有赤色者未解也不能得小汗出非獨桂枝

證也身痒者榮衛不行可用桂枝麻黃各半湯

太陽經病外證未解脉浮弱者浮者爲陽弱者爲陰法當自汗故宜桂枝湯

太陽病禁下下之後身熱惡風脉浮者表未解脉浮而微者陰也法微喘而爲傷肺下之傷胃故宜桂枝厚朴杏子湯

太陽病身熱惡寒惡風脉浮者表未解下之逆也解表宜桂枝湯

太陽病身熱惡寒惡風脉浮而弱自汗出而不止榮衛不和也宜桂枝湯

太陽病脉浮而弱身熱小便清知不在裏太陽本不病邪在標宜桂枝湯

太陽病頭痛項強身熱發汗則解半日復煩者脉浮數未解也可更發汗宜桂枝湯

太陽病身熱頭痛脉浮而緊無汗醫發汗過多其人又手自冒心心悸欲得按者因發汗多虛故也宜桂枝加甘草湯甘以緩之也

桂枝甘草湯

桂枝

甘草

各壹兩

右咬咀每服五錢水煎服

太陽病脉浮而緊身熱頭痛項背強當發其汗醫妄下之清穀不止身疼痛其脉緊而微當救裏宜四逆湯候身不疼痛清便自調急當救表宜桂枝湯

太陽病脉浮而弱身熱惡風頭痛項強自汗不止榮弱衛強榮弱者汗自出血不能守而泄於外衛不能護是知榮衛不和也欲救邪風宜桂枝湯

太陽經病頭痛項強身熱不罷者不可下是禁也下之爲逆醫以小發其汗邪氣不越則面色正赤陽氣怫鬱而不得越也

蓋當汗而不汗也故其人躁煩者邪氣不能散也行於經中
乍在四肢乍在腹中按之不能得經一兩次汗解邪氣不除
則致病人短氣但坐者虛也故汗出不徹脈浮而濇故知之
更發汗則愈太陽中風脈浮而緩今反浮而濇者因小發汗
脈濇而緊者身必疼痛當大發汗如尺中弱者不可發汗尺
者陰也弱者陰虛也陰主血虛則尺虛不能作汗故知禁也
病常自汗出榮氣和也不解者衛氣不與榮氣和也脈居榮
衛之中榮衛和則脈平榮衛不和則脈病當和榮衛使脈得
平宜桂枝湯

太陽病苦頭痛者必衄乃邪無從出也宜桂枝湯

太陽標病頭痛身熱項背強脈浮而大法當汗解脈浮大而熱
甚醫又薰之令其汗出病人反煩燥而不解後必清血便血

或衄血皆火邪所致也是謂實實虛虛禁之一也

其脉數者醫又灸之火邪隨經而爲煩逆助陽損陰乘虛而助實流散脉中焦骨傷筋焦骨爲骨蒸傷筋爲筋緩從腰下重者傳陰分也名曰火逆禁之二也

凡病欲解必先煩燥汗欲出也醫又燒針令汗榮衛不和加燒針則寒邪核起而赤不散盛火之氣發腠脉從少腹上衝心痛皆燒針之過也所禁者三也太陽標病薰針灸二禁而發變者宜桂枝加桂湯

桂枝

貳兩半

芍藥

生薑

各壹兩半

甘草

壹兩

大棗

陸枚

右咬咀每服五錢水煎

太陽病外未除數下之頭痛身熱惡風脉浮而弱醫反數下之此其禁也表證不除脅熱而利邪氣從虛而入其脉尚浮宜

桂枝加入參湯人參甘溫以甘緩之桂辛熱以辛散之甘緩其中辛散其表故宜桂枝加入參湯

桂枝

壹兩陸錢

甘草

壹兩陸錢

白朮

人參

乾薑

各壹兩

右㕮咀每服五錢水煎

太陽病頭痛身熱惡寒脈浮醫反下之後又發其汗不當下而下心下痞而惡寒脈浮不可攻痞攻之爲逆解表宜桂枝湯表解後攻其痞宜大黃黃連瀉心湯

太陽傷寒頭痛身熱惡寒惡風身疼煩不能轉側者太陽表中風寒濕之氣風則身熱頭痛自汗濕則肢節煩疼身重故也寒則浮而濇濇則陰盛而患寒宜桂枝加附子湯

太陽標病身熱惡寒風脈浮而緩大便硬屬陽明小便不利太陽本也欲下之其脈浮而緩有太陽表證宜減其辛而加其